



4005

克難洪鍾唱和集

盧橋事變以還我 司令長官閻公秉第二戰區符鉞率
領師干轉戰河朔既已保衛華北更復屏障西陲其勳績
固彰彰在人耳目今夏爲完成民族革命大業計力倡洪
鑪進步作風經文緯武宵旰憂勤勞者思歌發爲吟詠偶
成感懷詩一章一時和者甚盛適新建洪鑪臺落成羣請
勒石壁間以垂永久戴文深謹其言爰屬甯君超武移錄
全稿書丹於石排次先後則以和者之年齒爲序非甲乙
之也昔羊祜治軍輕裘緩帶謝安辦賊不廢彈碁本此雍
容之雅度卒成戡亂之奇功今吾儕於四郊多壘軍書旁
午之秋而爲茲雅歌投壺好整以暇之舉亦此物此志耳
中華民國三十年十二月五臺趙戴文謹識

MG
I226.7
2



3 1761 9363 3

克難城感懷

閻錫山

一角山城萬里心
朝宗九曲孟門深
乾坤俯仰無終極
願把洪鑪鑄古今

奉和 閻長官克難城感懷之作

趙戴文

山中燃聖火
人速天工代
列子御風行
可憐猶有待
化育贊天地
金剛百鍊身
多少冷凍者
都變熱心人

同前

李兆麟

陶冶羣英集衆才
河汾將相預栽培
元戎勳業高天下
歸本洪鑪一講臺

同前

賈景德

巖穴來齊萬衆心
國讎未復恨猶深
羣材一例歸陶冶
仿古如何勝變今

同前

魏日靖

四

坡名克難衆歸心氣壯河山智略深
傳徧洪鑪三昧火新民咸
作古如今

同前

錢拯

陪參戎慕愧高岑蠡測難量巨海深
隻手乾坤重鼓鑪說山功
烈耀來今

同前

楊愛源

艱難締造據丹心文武提衡策畫深
大地煙塵憑掃蕩洪鑪垂
訓鑄來今

同前

謝濂

匝地烽烟劫後心斯民火熱水同深
會當痛飲黃龍酒復國勳
名耀古今

同前

傳存懷

壺口驚濤壯士心
烽烟匝地寇猶深
洪鑪千載傳佳話
百鍊精鋼用自今

同前

曾遜

民生立制物勞好
連本建軍韜略深
還我河山成郅治
元戎偉業冠來今

同前

邊廷淦

山城建立賴同心
克難爲名託意深
一治洪鑪參造化
復興大業著來今

同前

蔣彥

英雄氣節聖賢心
蒼萃羣英教養深
治國平夷猶小割
行看大道盛來今

同前

張書田

支撐華北千城重澤被羣生
雨露深軍政式敷三十載
斯民歌頌到而今

同前

王葵經

萬里河山萬里心
雲天渺渺嘆高深
光華禹域神明胄
繼往開來不自今

同前

王瑗

克難名城背水成屏藩
西北羣英復興責任無
旁貸半壁河山一柱擎

同前

甯超武

攘夷復國起山城
鐵樣人才百鍊精
滅盡神州兒燄後
更開大治化羣生

同前

王思賢

黃河怒吼震人心克難洪鑪發省深革命鴻猷何處見物勞學
說冠來今

同前

成道魂

騎山扼水成城志不畏東夷入寇深蕩滌腥羶紆國難高助絕
古更空今

同前

陶封錫

報國平生誓此心追隨旌節歲時深十年從政依珂里親炙洪
鑪豈自今

同前

王懷奇

壺口濤懸禹甸心雁門回首陣雲深忍言國破山河在元老丹
忱鑑古今

同前

郭持漢

湯武事功堯舜心卅年雨露福人深
河山無恙終還我日月光
華照古今

同前

朱漢湘

蓋世勳名濟世心卅年功德感人深
老成謀國抒雄抱睿智聰
明邁古今

同前

閻惠原

不憑天險恃人心擇地何妨背水深
一體精誠三十載洪鑪此
復鑄來今

同前

尙因培

復國宏謀救世心法天則地仰高深
當前萬里崑崙水堪配勳
華耀古今

同前

孫 楚

克難名城固若金臥薪嘗膽國仇深鐵軍指日驅殘虜再造中華獨步今

同前

田玉霖

革命由來重革心陶鎔幹部此鑪深精神整體星朝拱萬代磐基已肇今

同前

李虞志

天縱聖雄覆載心物勞大義最醇深連年西北奮屏障乃武乃文冠來今

同前

劉巨海

整體精神責任心厲行說服感人深洪鑪鑄就新風尚烈火光芒照古今

同前

彭毓斌

應運天教睿哲生洪鑑放出大光明何須德業求義理簡易工夫次第成

同前

關民權

希世微言見道心如膏雨露濟時深先賢絕緒憑誰振手挽狂瀾獨樹今

同前

郭宗汾

三戶成城見衆心雙峯競峙大河深海中卓爾呈孤島締造新華始自今

同前

常國榮

救國常存一片心屏藩秦晉著功深洪鑑鑄就羣英傑亞西歐獨步今

同前

劉澤長

黑衫紅旆兩驚心
變色河山引恨深
陶鑄洪鑪成鼎盛
光天化日古猶今

同前

邱英

萬里河山繫此心
那堪國難逐年深
同天事業資神手
鎖鑰北門名重今

同前

劉興濤

緯武經文克難心
洪鑪陶冶化人深
英才蔚起山河復
旋轉乾坤震古今

同前

徐培芝

不日威城有衆心
事從平易入高深
相期克難支危局
追溯洪鑪肇自今

同前

鄧琚

山城屹立見天心
傳熱洪鑑火候深
滿地棘荊都燒盡
維新咸與在于今

同前

李江

克難城高檠戟臨
羣山環繞大河深
洪鑑充滿浩然氣
造化工夫冠古今

同前

李仰南

儒家化育佛家心
萬姓同沾雨露深
行見神州光復後
黃龍痛飲話來今

同前

師孔彰

洪鑑烈火蒸由心
遞訓層層熱化深
進步作風昭現代
完成抗建震來今

同前

楊思誠

老成謀國秉丹心思遠誰知憂自深待到中原戡定日重來壺口話如今

同前

劉相臣

復國經營天地心洪鑪烈火化人深物勞主義民生寶嶽嶽元戎獨步今

同前

吳紹之

艱難開濟老成心萬里山河鎖鑰深歷代名賢多不朽幾人功業勝於今

同前

董秀芝

水蘭道蘊兩違心忝事傳經歲月深鑪冶童蒙傳熱易願將火種布來今

同前

趙璧

三十年來矢一心河山表裏陣雲深
鑪容天地陰陽炭振古如斯更鑠今

同前

荊守中

臨河寧詔大風吟傳熱洪鑪化育深
僻地遺黎三五戶中興成旅兆來今

同前

喬鵬書

九州風雨識孤心萬里河山入望深
大冶無形資造化故教創古又開今

同前

李緒守

雄城鎖鑰倚青岑巨壑洪流拱衛深
莫道塵氛猶遍地出山雲自作甘霖

同前

楊懷豐

作育羣英大治心
洪鑪開創蓋謀深
他年抗復追前蹟
化日薰風始自今

同前

雷良如

洪鑪臺迴聳高岑
陶冶中心思想深
幹部萬能紓國難
復興基礎肇而今

同前

賈 璵

城名克難濟時心
更起洪鑪謀國深
瀾挽中流憑砥柱
宏圖絕古冠當今

同前

劉慕真

萬里關山萬里心
北華變亂年年深
復興須有百年計
革命洪鑪耀古今

同前

徐崇壽

誰識元戎救國心
烟籠壺口浪濤深
高歌寫盡洪鑑志
已兆中興邁古今

同前

溫炳生

陶冶洪鑑化育心
匡時慮遠復謀深
黃河日夜吞聲裏
贊化回天變古今

同前

陳過

多難彌堅克難心
洪鑑百鍊化工深
勳名宛似黃河水
萬古長流始自今

同前

高鍾

忠貞幾見歲寒心
滾滾黃河屏嶂深
翊贊頻籌天下計
及時雨露濟當今

同前

王存在

徵將碎玉復零金珍重連城印像深
千古文章等閒事磨歌佐治昔猶今

同前

閻志敏

仰體嚴慈克難心春暉寸草沐恩深
洪鑪臺畔趨詩禮願學羣賢博古今

同前

閻志惠

芸窗小子學詩篇羣怨興觀樂自然
峻嶺長河無限量勞寧與共流傳

82



